

I სავარჯიშო - შემოხაზეთ სწორი პასუხი ა, ბ ან გ

1. რას ეწოდება ფუძის კუმშვა?
 - ა) ფუმიდან ხმოვნის ამოვარდნას;
 - ბ) ერთ-ერთი ფუძისეული ხმოვნის ასიმილაციას;გ) ფუძის ბოლოკიდური ხმოვნის ჩამოშორებას;
2. კუმშვა ხდება?
 - ა) მხოლოდითი რიცხვის ნათესაობითსა და მოქმედებით ბრუნვაში;
 - ბ)მხოლოდითი რიცხვის მიცემითში, ნათესაობითსა და მოქმედებით ბრუნვაში;
 - გ) მხოლოდითი რიცხვის ნათესაობით, მოქმედებითსა და ვითარებით ბრუნვაში და მთელ ებ-იან მრავლობითში.
3. რომელი სიტყვის ფუძეა კუმშვად-კვეცადი?
 - ა) გოდორი;
 - ბ) ღრუბელი;
 - გ) ბეგარა;
4. რომელ წინადადებაშია გამოყენებული კვეცადი სახელი?
 - ა) რუს ჩურჩული ესმოდათ ჩიტებს.
 - ბ) მათ სახლში დრო ნელა გადიოდა.
 - გ) მტკვრის ხეობას ხშირად მიმართავდა მეფე.
5. ჩამოთვლილთაგან რომელ ბრუნვას დაერთვის თანდებული?
 - ა) სახელობითს;
 - ბ) მოთხრობითს;
 - გ) წოდებითს;

II სავარჯიშო - შემოხაზეთ სწორი პასუხი: ა, ბ ან გ

6. ჩამოთვლილთაგან რომელია წინადადების არამთავარი წევრები?
 - ა) უბრალო დამატება, განსაზღვრება, გარემოება;
 - ბ) ქვემდებარე, შემასმენელი, პირ.დამატება, ირ. დამატება;
 - გ) შემასმენელი, პირ.დამატება, გარემოება;
7. ქვემდებარის ბრუნვებია:
 - ა) სახელობითი და მიცემითი;
 - ბ) სახელობითი და მოთხრობითი ;
 - გ) სახელობითი, მოთხრობითი, მიცემითი;
8. წინადადების რომელი წევრია ხაზგასმული სიტყვა? „ბიჭმა შესანიშნავად დაუკრა კონცერტზე.“
 - ა) ქვემდებარე ;
 - ბ) გარემოება;
 - გ) უბ.დამატება;
9. წინადადების რომელი წევრია ხაზგასმული სიტყვა? „ქმარ-შვილის მოლოდინში დედამ გვიან დაიძინა.“
 - ა) განსაზღვრება;
 - ბ) უბრალო დამატება;
 - გ) შემასმენელი;
10. რომელ წინადადებაშია გამოყენებული მაპირისპირებელი კავშირი?
 - ა) ან ისწავლე, ან იმუშავე, რომ თავი ირჩინო.
 - ბ) სვენებ-სვენებით მიდიოდა და თან ფიქრს მისცემოდა.
 - გ) მიყვარხარ, მაგრამ მაინც ველარ გენდობი.
11. რომელ წინადადებაშია გამოყენებული შედგენილი შემასმენელი?
 - ა) მარინე გულიანად იცინოდა.
 - ბ)“სისულელეა ყოფნა ეულად და ფიქრის იყო მარტო მშველელი.“
 - გ) თითქოს ყველგან გაიღვიძა სიცოცხლემ.
12. რომელია სწორად დაწერილი მსაზღვრელ-საზღვრული?
 - ა) ბატონ არჩილის;
 - ბ) ბატონი არჩილის;
 - გ) ბატონ არჩილით;
13. რომელ წყვილშია შეთანხმება?
 - ა) მზის სახლი;
 - ბ) მზით დატკბა;
 - გ) პირმოცინარი მზე;
14. რომელ წყვილშია მართვა?
 - ა) ცის კაბადონი;
 - ბ) ზღვისფერი ცა;
 - გ) ცისფრად უქარგავდა.
15. რომელ წყვილშია მირთვა?
 - ა) ლაღად გაზრდილი;
 - ბ) ლაღი ბუნება;
 - გ) შვილი კაცისა;

